

## CONVENIO ENTRE A CONSELLERÍA DE POLÍTICA SOCIAL E IGUALDADE E A FUNDACIÓN SECRETARIADO GITANO PARA O DESENVOLVEMENTO DE ACCIÓNS DE SENSIBILIZACIÓN E PREVENCIÓN DA VIOLENCIA DE XÉNERO ENTRE A COMUNIDADE XITANA EN GALICIA, ENMARCADAS NO PACTO DE ESTADO CONTRA A VIOLENCIA DE XÉNERO

### MEMORIA EXPLICATIVA

De conformidade co Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, á Dirección Xeral de Loita contra a Violencia de Xénero, como órgano de dirección correspóndelle Impulsar as actuacións conducentes á eliminación da violencia de xénero nos termos establecidos na Constitución, no Estatuto de autonomía de Galicia, na Lei 7/2023, do 30 de novembro, para a igualdade efectiva de mulleres e homes de Galicia, na Lei 11/2007, do 27 de xullo, galega para a prevención e o tratamento integral da violencia de xénero, e na demais lexislación aplicable na materia.

A Lei orgánica 1/2004, de 28 de decembro, de medidas de protección integral contra a violencia de xénero articula medidas dirixidas a reforzar os servizos sociais de información, atención, emerxencia, apoio e recuperación integral, así como o establecemento dun sistema para a eficaz coordinación dos servizos existentes a nivel municipal e autonómico.

O 20 de marzo de 2023 publicouse no Boletín Oficial do Estado a Resolución do 16 de marzo de 2023, da Secretaría de Estado de Igualdade e contra a Violencia de Xénero, pola que se publica o Acordo da Conferencia de Sectorial de Igualdade, de 3 de marzo de 2023, polo que se aproba o plan conxunto plurianual en materia de violencia contra as mulleres (2023-2027).

Entre os obxectivos do Plan figura o de fomentar a permanencia e coordinación das accións de sensibilización e prevención da violencia contra as mulleres.

O 26 de febreiro de 2025 o pleno do Congreso dos Deputados aprobou de maneira case unánime a renovación e actualización do Pacto de Estado contra a Violencia de Xénero. O acordo amplía as medidas que incluía no 2017 de 290 a 461 e introduce novos eixes como son a violencia vicaria, a económica e a dixital.

Dirección Xeral de Loita contra a Violencia de Xénero  
Complexo Administrativo de San Lázaro  
Edificio Administrativo s/n  
15781 Santiago de Compostela  
T. 981 957 691  
[igualdade@xunta.gal](mailto:igualdade@xunta.gal) - [igualdade.xunta.gal](http://igualdade.xunta.gal)



O Pacto de Estado contra a Violencia de Xénero recolle no seu capítulo 2.5 denominado Sectores vulnerables varias medidas (146 a 148) destinadas ás mulleres xitanas tales como implicalas no deseño de políticas específicas así como en calquera medida e resposta institucional que se adopte para combater calquera forma de violencia contra as mulleres, abordar con medidas específicas que teñan en conta a perspectiva interseccional, as intervencións en casos de violencia de xénero a mulleres xitanas e aplicar un enfoque específico para as mulleres xitanas nas políticas, medidas e respostas institucionais contra a violencia machista co obxectivo de garantir o seu pleno acceso e exercicio efectivo de dereitos.

A Fundación Secretariado Gitano é unha entidade sen ánimo de lucro que presta servizos para o desenvolvemento da comunidade gitana en España e Europa, e ten como finalidade a promoción integral da comunidade gitana desde a atención á diversidade cultural; orienta o seu traballo na mellora do acceso das persoas xitanas aos dereitos, servizos e recursos sociais en igualdade de condicións co resto dos e das cidadás/ns, realiza accións dirixidas a mellorar as condicións de vida das persoas xitanas e a potenciar o recoñecemento, o apoio e o desenvolvemento da súa identidade cultural; leva a cabo actividades nas áreas de emprego, inclusión social, educación, saúde e igualdade de xénero, entre outras, e realiza ademais un importante traballo de sensibilización e incidencia social para mellorar a imaxe social das persoas xitanas.

Pola súa dimensión e capacidade de chegar a un gran número de mulleres xitanas de Galicia, e pola súa experiencia e coñecemento das mulleres xitanas e a especialización das e dos profesionais coas/os que colabora no campo da igualdade e a loita contra a violencia de xénero, a Fundación Secretariado Gitano reúne as condicións para o desenvolvemento dun Proxecto de sensibilización e prevención da violencia de xénero entre a comunidade gitana en Galicia.

Hai que ter en conta que as mulleres xitanas sofren múltiple discriminación o que aumenta a brecha de desigualdade de xénero que viven no seu día a día, pola condición de muller e de persoa pertencente a un colectivo excluído como a comunidade gitana, ven reducidos os seus dereitos e acceso a servizos e bens.

atención ás mulleres xitanas que sofren violencia de xénero en Galicia e sensibilizar e promover relacións igualitarias entre homes e mulleres da comunidade gitana.

As liñas de actuación e as accións subvencionables son as seguintes:

Dirección Xeral de Loita contra a Violencia de Xénero  
Complexo Administrativo de San Lázaro  
Edificio Administrativo s/n  
15781 Santiago de Compostela  
T. 981 957 691  
[igualdade@xunta.gal](mailto:igualdade@xunta.gal) - [igualdade.xunta.gal](http://igualdade.xunta.gal)



a) Itinerarios personalizados de atención e apoio a mulleres xitanas vítimas de violencia de xénero:

1º Servizo de atención a mulleres xitanas vítimas de violencia de xénero.

2º Sensibilización e formación de profesionais de servizos e recursos públicos que atenden a mulleres xitanas

3º Itinerarios de desenvolvemento de competencias sociopersoais, incorporando a parte de competencias dixitais e de empregabilidade de mulleres xitanas en situación de alta vulnerabilidade.

b) Sensibilización sobre igualdade de xénero e prevención da violencia na comunidade xitana para homes e mulleres de tódalas idades:

1º Accións de sensibilización e prevención coa comunidade xitana, especialmente con mozas e homes de todas as idades.

2º Participar nos actos do Día contra a Violencia de Xénero - 25 de novembro realizando actividades de tipo comunitario coa poboación xitana en diversas localidades galegas.

A Consellería de Política Social e Igualdade, de cara a mellorar a situación das mulleres deste colectivo que padecen situacións de violencia de xénero, estima conveniente asinar un convenio coa Fundación Secretariado Gitano, para o desenvolvemento de accións de sensibilización e prevención da violencia de xénero entre a comunidade xitana en Galicia, enmarcadas no Pacto de Estado contra a violencia de xénero, co fin de contribuír a mellorar a atención ás mulleres xitanas que sofren violencia de xénero e a sensibilizar e promover relacións igualitarias entre homes e mulleres da comunidade xitana.

Santiago de Compostela, na data da sinatura electrónica

O director xeral de Loita contra a Violencia de Xénero

Roberto Barba Alvedro

